

The image shows the front cover of the 'Armenian Reporter' (Հայկական Ժողովուրդ) newspaper. The title is written in a large, bold, black Armenian font. Above the title, on the left, is the website 'ArmLur.am'. On the right, the ISSN number '1829-2763' and a barcode are displayed. Below the title, on the left, is the date '22 հունվարի հինգշաբթի 2026' and the issue information 'տպագրության ԺԵ տարի'. On the right, the issue number '3 (3212)' is printed.

22 հունվարի հինգշաբթի 2026
տպագրության ԺԵ տարի

 ք. Երեւան, Արշակունյաց 22ա/3 (0010)

 + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԱԽԱՐԱՐԸ ԱՐԺԵՔՆԵՐԻՑ Է ԽՈՍՈՒՄ



Ածաբանելով ԱԺ առողջապահության հարցերի մշտական հանձնաժողովի նախագահ Ռոբիդիսմե Յուսանյանի հրաժարականին՝ առողջապահության նախարար Անահիտ Ավանեսյանը հայտարարել է, որ Յուսանյանի քայլը «խոսում է նրա մարդկային բարձր արժեքների մասին»:

«Զարգացվածությունը շատ պատասխանատու գործունեություն է, լինում են փոփոխմաներ, բայց ամենապարտերը՝ ունենալ քաջություն դրանց անդադարձաբերելու եւ ճիշտ արձագանքելու», - եռագործից ընթացքում Նշել է Նախարարը՝ հավելելով, որ Յունանյանի ղրաժարականը գնահատանքի արժանի քայլ է:

Սակայն այս հայտարարությունը հանրային դաշտում հակասական արձագանք է առաջացրել՝ հաշվի առնելով առողջապահական համակարգում նախկինում տեղի ունեցած ծանր միջադեպերը: Մասնավորապես, 2020-ի 44-օրյա պատերազմում զոհված մեր հայորդիների դիակները, Աբովյանի դիախերծարանում անմարդկային պայմաններում, պարկերի մեջ լցված, հայտնվել էին գետնին թափված վիճակում: Դիակների նկատմամբ այս անընդունելի վարքը լայն հանրային վրդովմունք էր առաջացրել: Բայց այդ սկանդալից հետո առողջապահության նախարար Անահիտ Ավանեսյանը քաղաքական պատասխանատվություն չկրեց, հրաժարական չներկայացրեց եւ սահմանափակվեց միայն նեղորոշական խնդրելով՝ ջրնդունելով համակարգային սխալի համար անձնական պատասխանատվությունը:

Երկակի չափանիշների նման դրսևորումը նախադրյալի կողմից, մեղմ ասած, ազնիվ չէ:

Արմուր.am-ի լավատեսության աղբյուրները փոխանցում են, որ երեկ երեկոյան ԶԹ վարչությունը ԱԺ ԶԹ խմբակցության պատգամավոր Ռոմիփսիմե Յունանյանին «կանչել» է նիստի: Արմուր.am-ի աղբյուրները փոխանցում են, որ Յունանյանից նախ պահանջել են բացատրել, թե ինչու է անդադար այնպիսի ելույթներ ունենում, ինչը վարկաբեկում է ԶԹ-ն ու ազդում կուսակցության վարկանիշի վրա: Վարչության անդամները անդադար հարցեր են տվել նրան, ճնշել, մեջբերել նրա հայտարարություններից, ինչի պատճառով Յունանյանը հայտնվել է շատ տհաճ իրավիճակում: Արմուր.am-ի աղբյուրները փոխանցում են, որ նա այս պահին էլ հոգեպես շատ ծանր վիճակում է գտնվում: Նիկոլ Փաշինյանի խոսքից Յունանյանը հասկացել է, որ պետք է հրաժարական տա, ավելին, ինքնաբացարկ ներկայացնի 2026 թվականի նախընտրական ցուցակում առաջարկվելու համար: Հիշեցնենք, որ երեկ առավոտյան Ռոմիփսիմե Յունանյանը ֆեյսբուքյան իր էջում գրել էր. «Վերջին շրջանում Ազգային Ժողովում հնչեցրած իմ որոշ մտքեր քննադատության արժանացան մեր մի շարք քաղաքացիների կողմից: Նախ, թույլ տվեք ներողություն խնդրել իմ այն ձեռակերպումների համար, որոնք այս կամ այն կերպ առաջացրել են մի փրեկի քաղաքացիների զայրույթն ու դժգոհությունը»: Ու հայտնել է, որ հրաժարվում է ԱԺ առողջապահության հանձնաժողովի նախագահի պաշտոնից:

⇒ tp 2



Յունվարի 20-ին ողբերգական դեպք է տեղի ունեցել Գեղարքունիքի մարզում: Ծովազարդ գյուղի վարչական տարածքում՝ Սեւանա լճի ափին գտնվող կիսաակառույց շինության բակում, մահացած քաղաքացի էր հայտնաբերվել եւ 1 վիրավոր: Ոստիկաններն ու պարեկները պարզել էին, որ մահացածը Երեւանի բնակիչ 61-ամյա Արտուր Գ.-ն է, իսկ վիրավորը՝ Կոտայքի մարզի բնակիչ 35-ամյա Մամիկոն Ա.-ն: Shamshyan.com-ի տեղեկություններով, այդ կիսաակառույց շենքում կատարվում էին վերանորոգման աշխատանքներ, եւ նշված անձինք վերամբարձ կռուսկի միջոցով պետք է գործողություններ կատարեին՝ տեղադրելով ապակիներ, սակայն մոտ 12 մետր բարձրության վրա աշխատանքներ կատարելու ժամանակ ճոպանը (տորսը) կտրվել է, եւ նրանք վայր են ընկել: ArmLur.am-ի տեղեկությունների համաձայն՝ Ծովազարդ գյուղի վարչական տարածքը՝ Սեւանա լճի ափին գտնվող կիսաակառույց շինությունը, որտեղից հունվարի 20-ին 2 քաղաքացի վայր են ընկել, եւ նրանցից մեկը մահացել է, պատկանում է իշխանությունների «արտի» գործադրար Նաբեկ Նալբանդյանին:

⇒ tp 4



Բնակչության մոտ ապօրինի պահվող զենք-զինամթերքի հայտնաբերումն ու առգրավումը շարունակում է մնալ ոստիկանության կարելուր խնդիրներից: Բնակչության շրջանում ակտիվ բացատրական աշխատանք են իրականացնում Ոստիկանության բոլոր ծառայությունները՝ Քրեական ոստիկանության տարածքային վարչությունների եւ Համայնքային ոստիկանության բաժինների ծառայողները, Պարեկային ծառայության եւ արդեն Նաեւ Ոստիկանության գվարդիայի ծառայողներ: Ոստիկանությունը ամփոփ ներկայացրել է վերջին շրջանում ոստիկանության բացատրական աշխատանքի արդյունքները: Համայնքային ոստիկանության Հրազդանի բաժնի ծառայողների բացատրական աշխատանքի արդյունքում կամավոր հանձնել են ողորկավորող որսորդական հրացան: Համայնքային ոստիկանության Անիի բաժնում կամավոր հանձնել են հրազեն, գազային ատրոմանակ, երեք նռնակ, ինքնաձիգի փամփոշատուփի եւ ավելի քան 150 փամփուշտ:

Շարունակությունը՝ «ԱրմԼուր.ԷլԷմ» կայքում



ՔԱՂԱՔԱԿԱՆ ԾԱՌՈՒՄ

ԱՆԱՀԻՏ ԱՎԱՆԵՍՅԱՆԸ ԾԱՂԲՈՒՄ Է

ՄԵԾ ՆԵՐՈՒԺ

Հայաստանի Հանրապետության Էկո-նոմիկայի նախարար Գեորգ Պապո-յանն ընդունել է Մեքսիկայի Պատգա-մավորների պալատի Մեքսիկա-Հայաս-տան բարեկամական խմբի ղեկավար Սիլվիա Պատրիսիա Խիմենս Դելգա-դոյի գլխավորած պատվիրակությանը:

Ինչպես տեղեկանում ենք ՀՀ էկոնո-միկայի նախարարության տարածած հաղորդագրությունից, հանդիպման ըն-թացքում Գեորգ Պապոյանը կարելու-րել է խորհրդարանական բարեկամա-կան խմբերի աշխատանքը՝ որպես գոր-ծարար կապերի ամրապնդման եւ առեւտրատնտեսական հարաբերու-թյունների խորացման արդյունավետ հարթակ:

Նախարարը նշել է, որ Հայաստանը հետեւողականորեն առաջ է գնում տա-րածաշրջանային հաղորդակցություն-ների ապաշրջափական եւ սահման-ների բացման ուղով, ինչը նոր հնարա-վորություններ է ստեղծում միջազգային տնտեսական համագործակցության եւ ներդրումների համար:

«Հայաստանն ու Մեքսիկան ունեն համագործակցության մեծ ներուժ, որն այս պահին ամբողջությամբ իրացված չէ: Վստահ եմ, որ համատեղ եւ նպա-տակային աշխատանքի շնորհիվ կա-րող ենք էականորեն ակտիվացնել տն-տեսական կապերը եւ կյանքի կոչել նոր փոխշահավետ նախաձեռնու-թյուններ»,- նշել է նախարար Գեորգ Պապոյանը:

Հանդիպման ընթացքում քննարկվել են մեքսիկական ներդրումների ներգ-րավման հնարավորությունները, ինչ-պես նաեւ համագործակցության հե-ռանկարները ագրոարդյունաբերու-թյան, գյուղատնտեսության եւ զբո-սաշրջության ոլորտներում:

Կողմերը կարեւորել են տնտեսական երկխոսության ակտիվացումը եւ պատ-րաստականություն հայտնել շարունա-կել փոխգործակցությունը քննարկված հարցերի շուրջ:

ՌՈՒՄԱՍՏԱՆԸ ՀՐԱԺԱՐՎԵԼ Է ՊԱՐՏՔԵՐԻՑ

ՌԴ ֆինանսների նախարարությունը չի կարծում, որ երկիրը «ցարական պարտքերի» վճարման պարտավորու-թյուններ ունի: Այս մասին Պետդոմայի նիստի ժամանակ հայտարարել է ՌԴ ֆինանսների փոխնախարար Վլադի-միր Կոլիչենը, փոխանցում է TASS-ը:

«Խորհրդային Միությունը չէր կար-ծում, որ պետք է վճարել, իսկ Ռուսաս-տանի Դաշնությունը՝ առավել եւս»,- ասել է նա՝ վերահաստատելով, որ Ֆի-նանսների նախարարությունը չի կար-ծում, թե Ռուսաստանը պետք է վճարի «ցարական պարտքերը»:

«Որքան հասկանում եմ, դա դատա-կան գործընթաց է: Մեզ մոտ՝ Ռուսաս-տանում, Գլխավոր դատախազությունն է ներկայացնում պատասխանող կող-մին բոլոր արտաքին հայցերով: Ան-կեղծ ասած, մանրամասներին պարզա-պես չեմ տիրապետում, բայց եթե այն-տեղ դատական գործընթաց սկսվի, ապա Ռուսաստանը, իհարկե, կմաս-նակցի դրան», - արձանագրել է փոխ-նախարարը:

Ամերիկյան հիմնադրամը Ռուսաստա-նից պահանջել է 225 միլիարդ դոլար:

ՀՀ առողջապահության նախարար Անահիտ Ավանեսյանը եւ փոխնախա-րար Լենա Նանուշյանը կարծես թե ավարտել են Առողջապահության առա-հովագրության ներդրման գործընթացը, հիմա էլ լծվել են սահուն ու մեկնաբա-նություն գրելու գործին:

Անահիտ Ավանեսյանը, նախարար լինե-լով հանդերձ, որ պետք է զբաղվի առող-ջապահական ոլորտի քառասյին վիճա-կով, թիրախավորում եւ ծաղրում է ընդդի-մադիր «Մեր ձեռով» շարժման համակար-գող Նարեկ Կարապետյանին:

Բանն այն է, որ Կարապետյանն ասել էր՝ «պետք է ունենանք առաջնորդ, որ գնա ուրիշ երկրից «որս» բերի, երկիրը պահի», «որս»՝ նկատի ունենալով ռեսուրս: Սրան անդրադառնալով էլ՝ Ավանեսյանն իր անձնական էջում կիսվել է եւ մեկնաբա-նություն թողել. «Էն Քոչարյանի խփած առյուծը ի նկատի ունի»:

Որ նախարարը առողջապահության ոլորտից շատ բան չի հասկանում, պարզ է, սակայն թիմին հաճոյանալու համար քաղաքական քարոզն ու թիրախավորու-մը կարծես թե առաջնային է համարում:

Սրան ի պատասխան՝ փոխնախարար Նանուշյանը եւս հայտնել է իր հեղինա-կավոր կարծիքը: «Բա քարանձավների բանալիները ե՛րբ են բաժանելու», - գրել է Նանուշյանը, որը չկարողացավ գլուխ բերել Առողջապահության համընդհա-նուր ապահովագրության ծրագիրը, եւ



Ավանեսյանն իր ձեռքը վերցրեց այն՝ Նի-կոլ Փաշինյանի առաջ գլխիկոր չմնալու համար:

Ֆեյսբուքյան օգտատերերից մեկն էլ փորձել է նախարարին եւ փոխնախարա-

րին թմբիրից հանել եւ մեկնաբանություն է թողել. «Դուք ձեր գործով զբաղվեք, թե չե՞ առանց դեղ մնացինք»:

ԷՄՍԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

ՀԱՅԱՍՏԱՆԻ ԱԴԻԲԵՋԱՆԻՑ ԹՈՒՅԼՏՎՈՒԹՅՈՒՆ Է ԽՆԴԻՐԵԼ

Հայաստանն Ադրբեջանից թույլտվու-թյուն է խնդրել իր բեռները Ռուսաստան տարանցելու համար: Այս մասին հայտա-րարել է Ադրբեջանի նախագահ Իլհամ Ալիևը հունվարի 19-23-ը Շվեյցարիայի Դավոս քաղաքում անցկացվող տնտեսա-կան ամենամյա ֆորումի ժամանակ:

Նա նշել է, որ այսօր փոխադրումն իրա-կանացվում է Վրաստանի տարածքով, բայց կգա մի օր, երբ Ադրբեջանից Հայաս-տան ու Հայաստանից Ադրբեջան ուղիղ ճանապարհով կիրականացվի այն: «Այդ օրը շատ հեռու չէ»,- ասել է Ալիևը:

Ֆորումի ժամանակ ՀՀ նախագահ Վա-հագն Խաչատուրյանն էլ իր հերթին նշել է, որ տարիներ անց այն սովորական գոր-ծընթաց է լինելու, երբ Հայաստանից կամ Ադրբեջանից քաղաքացիները կարողա-նան սահմանը հատել, առեւտուր անել:

«Մենք արթնանում էինք, մինչ այս հա-մաձայնագրերի ստորագրումը, հե-տաքցրվում էինք, թե սահմանին ինչ է կատարվել: Իսկ այնտեղ հիմնականում կրակոցներ, զոհեր, վիրավորներ էին, որը մեզ ուղղակի սթրեսային վիճակի մեջ էր պահում: Հիմա մենք նույնիսկ մոռացել ենք, ապրում ենք ավելի շատ մեր ծրագ-րերի իրականացման գործով»,- ասել է ՀՀ նախագահը:

Նշենք, որ ավելի վաղ Նիկոլ Փաշինյա-նի մամուլի խոսնակ Նազելի Բաղդասար-յանը հայտնել էր, որ Դավոսի տնտեսա-կան հանձնաժողովին չի մասնակցի Նի-կոլ Փաշինյանը:

Ֆորումին չի մասնակցում նաեւ Վրաս-տանի վարչապետ Իրակլի Կաբախիձեն, քանի որ, ինչպես հայտնել էր երկրի Կա-ռավարությունը, արդեն երկրորդ տարին

անընդմեջ ֆորումի կազմակերպիչներից Կոբախիձեն հրավեր չի ստանում:

Տեղեկացնենք, որ Դավոսի ամենամյա ֆորումին հրավիրվում են բիզնեսի առա-ջատար ներկայացուցիչներ, քաղաքական առաջնորդներ, նշանավոր մտավորա-կաններ: Ֆորումի քննարկման հիմնական թեմաները համաշխարհային ամենահրա-տապ խնդիրներն են, այդ թվում՝ առողջա-պահական եւ շրջակա միջավայրի:

ՆՇԱՆԱԿՈՒՄՆԵՐ ՄԱՅՐ ԱԹՈՌՈՒՄ

Մայր Աթոռ Սուրբ Էջմիածնում հունվա-րի 20-ին նոր որոշումներ են ընդունվել:

Ամենայն Հայոց Կաթողիկոսի Հայրապե-տական տնօրինությամբ Շվեյցարիայի Հայոց թեմի առաջնորդական տեղապահի պաշտոնից ազատվել է Հոգեշնորհ Տեր Գուսան Ծայրագույն վարդապետ Ալճան-յանը: Թեմի առաջնորդի պաշտոնում նշանակվել է Գերաշնորհ Տեր Պարթև Եպիսկոպոս Բարսեղյանը՝ ազատվելով

Գեղարքունյաց թեմի առաջնորդի պաշ-տոնից:

Այս մասին հայտարարել է Մայր Աթոռ Սուրբ Էջմիածնի տեղեկատվական հա-մակարգը՝ հայտնելով, որ մեկ այլ տնօրի-նությամբ՝ քրեակատարողական հի-մարկների հոգեւոր տեսուչ Հոգեշնորհ Տեր Իսահակ վարդապետ Պողոսյանը համատեղության կարգով նշանակվել է Գեղարքունյաց թեմի առաջնորդական տեղապահ:

Հիշեցնենք, որ հունվարի 6-ին հայտնի դարձավ, որ Տեր Գուսան Ծայրագույն վար-դապետ Ալճանյանը միացել է Վեհափառ Հայրապետի դեմ դուրս եկած 10 բարձ-րաստիճան հոգեւորականներին՝ որոշունե-լով Վեհափառի դեմ սկսած պայքարը:

Նշենք նաեւ այն, որ, ինչպես շվեյցարա-հայ գործարար ու բարերար Վահե Գաբ-րաշն է հայտնել, Շվեյցարիայի հայ հա-մայնքը հավատարիմ է Հայ Առաքելական Եկեղեցուն եւ Ամենայն Հայոց Կաթողիկոս Գարեգին Բ-ին:

ՆԱՆԿԿ ԱՂԱՅԱՆ



ՈՐԲԵՐԳԱԿԱՆ ԴԵՊԵ

ՔԱՂԱՔԱՑԻ Է ՄԱՐԱՑԵԼ ԿԱՄԱԾԵԼԻ ԳՈՐԾԱՐՔ

ArmLur.am-ի Տեղեկությունների համաձայն՝ Շուկազարդ գյուղի վարչական սահմանը՝ Սեւանա լճի ափին գտնվող կիսակառույց շինությունը, որտեղից հունվարի 20-ին 2 քաղաքացի վայր են ընկել, եւ նրանցից մեկը մահացել է, դատականում է իշխանությունների «սրժի» գործարար Նարեկ Նալբանդյանին:

Արդյո՞ք շինարարական աշխատանքներ են անվտանգության կանոնները եւ առհասարակ, դեպքով կա՞նք քրեական վարույթ, թե՞ ոչ: Ի պատասխան՝ ՀՀ քննչական կոմիտեից հայտնեցին. «Դեպքի առթիվ նախաձեռնվել է քրեական վարույթ՝ Քրեական օրենսգրքի 355-րդ հոդվածի 2-րդ մասով՝ շինարարական, լեռնահանքային կամ այլ աշխատանքների կատարման ընթացքում աշխատանքի պաշտպանության կամ անվտանգության ապահովման կանոնները կամ պահանջները խախտելը, որն անգուցույթությամբ առաջացրել է մարդու մահ»:

Ձերբակալված անձ չկա: Հունվարի 20-ին ողբերգական դեպք է տեղի ունեցել Գեղարքունիքի մարզում: Շուկազարդ գյուղի վարչական տարածքում Սեւանա լճի ափին գտնվող կիսակառույց շինության բակում, մահացած քաղաքացի էր հայտնաբերվել եւ 1 վիրավոր: Ոստիկաններն ու պարտեզները պարզել էին, որ մահացածը Երեւանի բնակիչ 61-ամյա Արտուշ Գ.-ն է, իսկ վիրավորը՝ Կոտայքի մարզի բնակիչ 35-ամյա Մամիկոն Ա.-ն: Shamshtyan.com-ի տեղեկություններով, նշված կիսակառույց շենքում կատար-



վում էին վերանորոգման աշխատանքներ, եւ նշված անձինք վերամբարձ կռուկի միջոցով պետք է գործողություններ կատարեին՝ տեղադրելով ապակիներ, սակայն մոտ 12 մետր բարձրության վրա աշխատանքներ կատարելու ժամանակ ճակատը (տրոսը) կտրվել է, եւ նրանք վայր են ընկել:

Shamshtyan.com-ի տվյալներով, նշված շինությունը պատկանում է Հայաստանում հայտնի գործարարներից մեկին:

Ի դեպ, «Յետք»-ը հրապարակել էր, որ իշխանափոխությունից հետո հայտնի դարձած գործարար Նարեկ Նալբանդյանը շուկայականից բազմապատիկ էժան գնով տիրացել է գործարար Փայլակ Հայրապետյանի գույքին: Կասկածելի գործարարներով խնդրահարույց գույքը ձեռք բերած գործարար Նարեկ Նալբանդյանը դարձել է քրեական գործով անցնող եւս մեկ խոշոր գույքի սեփականատեր:

«Յետք» պարզել է, որ Նարեկ Նալբանդյանը ձեռք է բերել Սեւանի «Հայրապետ» հյուրանոցային համալիրն ու հարեւանությամբ գտնվող երկու այլ գույք: 2021 թ.-ին տեղի ունեցած գործարքի մասնաձեռնից հայտնի է դառնում, որ 6 միլիոն դոլար գնահատված հյուրանոցը գործարարը ձեռք է բերել 18 անգամ ցածր գնով՝ 360 հազար դոլարով: Այս ամենը տեղի է ունեցել քրեական գործի առկայության պայմաններում:

Նարեկ Նալբանդյանը հանրությանը հայտնի դարձավ, երբ արտոնյալ պայմաններով ձեռք բերեց Նախկին պաշտոնյայից պետությանը վերադարձված Ծաղկաձորի «Գոլդեն Փելիս» հյուրանոցը, իսկ գործարարի կինը գնեց վարչապետ Հովիկ Աբրահամյանի՝ քրեական գործով անցնող Մոնումենտի առանձնատունը:

ՔՆԱՐ ՍԱՆՈՒԿՅԱՆ

ՔՐԵԱԿԱՆ ԲՐՈՆԻԿՈՆ

ՀԵՏԱԽՈՒՋՎՈՂՆԵՐ ԵՆ ՀԱՅՏՆԱԲԵՐՎԵԼ

Կոտայքի մարզի պարտեզները հունվարի 19-ին՝ ժամը 23:35-ին, Հրազդան քաղաքի Հայ Ֆիդայիների փողոցում հայտնաբերել, ձերբակալել եւ Համայնքային ոստիկանության Հրազդանի բաժին են տեղափոխել Սեւան քաղաքի բնակիչ 23-ամյա մի երիտասարդի, որը 2025թ. հուլիսի 28-ից հետախուզվում էր ՌԴ Մազադան քաղաքի ոստիկանության կողմից. խափանման միջոցը՝ կալանք: Հայտնաբերման մասին տեղեկացվել է հետախուզումը նախաձեռնողին:

Քրեական ոստիկանության գլխավոր եւ Արագածոտնի մարզային վարչությունների ու Համայնքային ոստիկանության Էրեբունու բաժնի ծառայողների համատեղ ձեռնարկած օպերատիվ-հետախուզական միջոցառումների արդյունքում Աշտարակ քաղաքի Լիսի փողոցի հասցեներից մեկում հայտնաբերվել եւ Էրեբունու բաժնի է տեղափոխել 47-ամյա մի կին: Նա 2016թ. հոկտեմբերի 26-ից ՌԴ Մոսկվայի մարզի իրավապահների կողմից հետախուզվում էր խարդախության մեղադրանքով. խափանման միջոցը՝ կալանք: Հայտնաբերման մասին հայտնվել է հետախուզումը նախաձեռնողին:

Քրեական ոստիկանության գլխավոր վարչության եւ ՀՀ-ում Ինտերպոլի ազգային կենտրոնական բյուրոյի ծառայողների համատեղ օպերատիվ-ուղեկցող խմբի կողմից հունվարի 20-ին Ֆրանկ-

ֆուրտ-Երեւան չվերթի ինքնաթիռով Հայաստան է տեղափոխվել օտարերկրյա քաղաքացի 28-ամյա մի երիտասարդ: Նա 2024թ. դեկտեմբերի 17-ից Քրեական ոստիկանության Երեւան քաղաքի վարչության կողմից հետախուզվում էր հանցավոր կազմակերպությանը մասնակցելու եւ համակարգչային հափշտակության մեղադրանքներով. խափանման միջոցը՝ կալանք:

ԿԱՄԵՑՎԵԼ Է

ՀՀ սննդամթերքի անվտանգության տեսչական մարմնի Երեւանի կենտրոնի տեսուչները «Էվրիկա Գրուպ» ՍՊԸ-ին պատկանող հացի արտադրամասում (ք. Երեւան, Շարուրի փողոց) ստուգում իրականացնելու ընթացքում արձանագրել են սանիտարահիգիենիկ նորմերի մի շարք խախտումներ՝

արտադրամասի պատերն ունեցել են վնասված հատվածներ, պատերի մակերեսայինները պատրաստված չեն եղել անջրանցիկ, լվացվող, ախտահանվող նյութերից,

առաստաղներն ապահով չեն եղել, ինչը չի կանխարգելել կեղտի կուտակումը, առաստաղից մասնիկների թափվելու հնարավորությունը,

բացվող ներքին պատուհանները չեն ունեցել միջատապաշտպան ցանցեր, դռները հարթ չեն եղել, պատրաստված չեն եղել չնեթծող նյութերից, ունեցել են վնասված եւ կոռոզիայի ենթարկված հատվածներ,

արտադրությունում օգտագործվող հումքի մշակման սեղանի կողային հատվածները, հացի պահման դարակաշարերը, հացի եփման դարակաշարերը, որոնք

անմիջապես շփման մեջ են գտնվում սննդամթերքի հետ, կառուցված չեն եղել հիգիենայի պահանջները բավարարող նյութերից եւ չեն պահվել նորոգ ու բարվոք վիճակում:

Տեսչական մարմնի ղեկավարի որոշմամբ՝ «Էվրիկա Գրուպ» ՍՊ ընկերությանը պատկանող հացի արտադրամասի արտադրական գործունեությունը կասեցվել է:

Հայտնաբերված խախտումները վերացնելու համար սահմանվել է վերջնաժամկետ:

ԹՄԲԱՄԻՋՈՑՆԵՐ

Համայնքային ոստիկանության Աշտարակի բաժնի ծառայողները օպերատիվ տեղեկություն էին ստացել, որ Արմավիրի մարզի Ծիածան գյուղի բնակիչ 56-ամյա տղամարդը թմրանյութ է պահում եւ օգտագործում:

Տեղեկությունը ստուգելու նպատակով Ծիածան մեկնած Համայնքային ոստիկանության Վաղարշապատի եւ Աշտարակի բաժինների ծառայողները 56-ամյա տղամարդու հյուրասենյակի սեղանին նկատել են թմրամիջոցի նմանվող զանգվածով փաթեթներ: Ծիածան գյուղի բնակիչը ձերբակալվել եւ տեղափոխվել է Համայնքային ոստիկանության Վաղարշապատի բաժին: Կազմված փաստաթղթերը ներկայացվել են նախաքննական մարմին:

Նախաձեռնված քրեական վարույթի շրջանակում կատարված զննությամբ 56-ամյա տղամարդու տանը հայտնաբերվել է 169 գրամ մարիխուանա տեսակի թմրամիջոց:

Կատարվում է նախաքննություն:

ԼՈՒՐԵՐ

ԹՄԲԱՆՅՈՒԹ ԷՐ ՊԱՀՈՒՄ

Համայնքային ոստիկանության Աշտարակի բաժնի ծառայողները, իրացնելով օպերատիվ տեղեկությունները, հունվարի 16-ին Օհանավան գյուղում հայտնաբերել, թմրամիջոց պահելու եւ օգտագործելու կասկածանքով ձերբակալել եւ բաժին են տեղափոխել Նույն գյուղի 50-ամյա մի բնակիչ: Նրա անձնական խուզարկությամբ հայտնաբերվել են 3 գրամ մարիխուանա տեսակի թմրամիջոց եւ մոխրացած հետքերով կաթուցիչ:

Նախաձեռնվել է քրեական վարույթ, որի շրջանակում կատարված զննությամբ 50-ամյա տղամարդու տան հետնամասի պատի մեջ հայտնաբերվել է 18,4 գրամ թմրամիջոց: Օհանավանի 50-ամյա բնակիչը տեղափոխվել է ձերբակալվածների պահման վայր: Նախաքննությունը շարունակվում է:

ՈՉՆՉԱՅՐԵԼ ԵՆ 327 ԾԱՌ



ՀՀ քննչական կոմիտեի Լոռու մարզային քննչական վարչությունում քննվող քրեական վարույթի նախաքննության ընթացքում պարզվել է, որ շինարարական աշխատանքներ իրականացնող ընկերությունը 2024 թվականի հոկտեմբեր-դեկտեմբեր ամիսներին «Հայաստան» ՊՈԱԿ-ի «Ստեփանավանի անտառտնտեսություն» մասնաճյուղի Գյուլագարակի անտառապետության տարբեր պահապաններում, շինարարական տեխնիկայի կիրառմամբ, կոտրելու եւ արմատախիլ անելու եղանակով ոչնչացրել է պետական սեփականության հանդիսացող տարբեր տրամագծերի 208 ծառ:

Նախաքննության ընթացքում կատարված վարույթային եւ ապացուցողական գործողությունների արդյունքում պարզվել է նաեւ, որ Լոռու մարզի Գյուլագարակ բնակավայրի վարչական տարածքում Նույն եղանակով ոչնչացվել է համայնքային սեփականություն հանդիսացող տարբեր տրամագծերի 119 ծառ:

Վերոնշյալ գործողությունների հետեւանքով պետությանը պատճառվել է խոշոր չափերի՝ 4 մլն 479 հզր ՀՀ դրամի գույքային վնաս:

Մեկ անձի նկատմամբ հարուցվել է հանրային քրեական հետապնդում՝ Քրեական օրենսգրքի 387-րդ հոդվածի 2-րդ մասի 6-րդ կետով (ծառերը, թփերը կամ բուսածածկն ապօրինի հատելը կամ ապօրինի ձեռք բերված կոճղերը, ծառերը կամ թփերը տեղափոխելը):

Քրեական վարույթի նախաքննության ընթացքում պետությանն ու Գյուլագարակ համայնքին պատճառված վնասն ամբողջությամբ վերականգնվել է:

Քրեական վարույթը մեղադրական եզրակացությամբ ուղարկվել է հսկող դատախազին:

● **Ըստ ոստիկանության տվյալների՝ հունվարի 20-ից 21-ը բացահայտվել է 129 հանցագործություն, որոնցից 2-ը՝ նախկինում կատարված:**

ՄԱՐԶ

ԵԿԵՂԵՑԻՆ ՆՈՐՈԳԵԼ ԵՆ, ՃԱՆԱՊԱՐՀԸ՝ ՈՉ

Պետական բյուջեի ֆինանսավորմամբ 2025 թվականից սկսվել, իրականացվել է Նոյեմբերյան համայնքի Ոսկեպար գյուղի տարածքում, Աղբեջանի հետ սահմանագոտում գտնվող Ոսկեպարի Սուրբ Աստվածածին եկեղեցու նորոգումը: 6-7-րդ դարերում կառուցված եկեղեցին խորհրդային տարիներին՝ 1975-1977թթ. նորոգվել է: Հայաստան-Վրաստան միջպետական ավտոճանապարհից երեւում է, որ եկեղեցու ծածկը վերանորոգել են, նորոգման աշխատանքների ժամանակ հանված խաչը վերստին հառնում է եկեղեցու գլխին: Ոսկեպարի բնակիչները հրատապ են համարում նաեւ Սուրբ Աստվածածին եկեղեցի տանող Նորմալ, քիչ թե շատ բարեկարգ ճանապարհի կառուցումը: Անբարեկարգ ճանապարհի պատճառով եկեղեցի այցելուների թիվը քիչ է: 2024թ. սահմանազատման անվան տակ սահմանի այդ հատվածում գտնվող, ավելի քան 30 տարի ամրացված դիրքերը միակողմանի կերպով Աղբեջանին հանձնելու հետեւանքով նոր սահմանագիծը ավելի մոտեցել է Ոսկեպարի հնամենի եկեղեցուն:

ՊԱՐԳԵՎԱՏՐՎԵԼ ԵՆ

2025թ. դեկտեմբերի 25-ին Տավուշի մարզպետ Հայկ Ղալումյանին տեղեկատվական հարցում եմ արել, թե տարեվերջի դրությամբ պետական բյուջեից որքան պարգեւավճար են ստացել Տավուշի մարզպետարանի աշխատակազմի աշխատողները եւ որքան գումար են ստացել դրամական օգնություն ստանալու համար Տավուշի մարզպետին դիմած մարզի սոցիալապես անապահով բնակիչները: Մարզպետարանից պատասխանել են. «2025թ. դեկտեմբերի 29-ի դրությամբ ՀՀ Տավուշի մարզպետի աշխատակազմի աշխատակիցները ստացել են 65 միլիոն 893 հազար 600 դրամ պարգեւավճար: Հայաստանի Հանրապետության 2025թվականի պետական բյուջեով՝ Հայաստանի Հանրապետության Տավուշի մարզպետի աշխատակազմի բյուջետային ծախսերի տնտեսագիտական դասակարգման «Այլ նպաստներ բյուջեից» հոդվածով նախատեսվել է 67 միլիոն 547 հազար դրամ ֆինանսական միջոցներ: Մարզպետի աշխատակազմում դրամական օգնության համար ստացվել է 1571 դիմում: Պետական բյուջեով նախատեսված դրամական միջոցներն ամբողջությամբ ծախսվել են: Գումարների վճարումը կատարվել է կանխիկ՝ բանկային համակարգի միջոցով»: Տավուշի մարզպետի աշխատակազմը աշխատանքային ինչ նվաճումների համար է աղքատ, մեծ վարկերի տակ կքած Հայաստանի պետական բյուջեից այդքան առատորեն պարգևատրվել: Մարզպետի աշխատակազմն անմիջական կերպով ընդամենը 2 ոլորտ է կառավարում՝ մարզի առողջապահական հիմնարկները (բացի մարզի քաղաքներում գործող բժշկական կենտրոնները) եւ մարզի պետական հանրակրթական դպրոցները (բացի ավագ դպրոցները եւ վարժարանները): Այդ 2 ոլորտներն էլ մարզպետարանը ղեկավարում է համապատասխան նախարարությունների՝ առողջապահության եւ ԿԳՄՍ նախարարությունների հետ համատեղ, 2 ոլորտում էլ չլուծված բազում հիմնախնդիրներ կան:

ՈՍԿԱՆ ՍԱՐԳՅԱՆ

ԳՈՅԱՏԵՎՈՒՄ

ՆՎԱԶԱԳՈՒՅՆ ԿԵՆՍԱԹՈՇԱԿԸ 36.000 ԴՐԱՄ

Մինչ ղեկավար Բարձրագույն դատական ժողովի ժողովում են՝ հասնելով միլիոնավոր դրամների, Հայաստանում շուրջ 500 հազար թուղթաբեկ փորձում է աղբի 36-49 հազար դրամ թուղթաբեկ այն դեպքում, երբ սղառողական նվազագույն զամբյուղը կազմում է 82 հազար դրամ:

ՀՀ վիճակագրական ծառայության տվյալների համաձայն՝ Հայաստանում կամ մոտ 500 հազար թուղթաբեկ, որոնցից 385 հազարը տարիքային են, իսկ մնացածը՝ առողջության սահմանափակ կարողություններ ունեցող քաղաքացիներ: Այսօր Հայաստանում նվազագույն կենսաթոշակը կազմում է 36.000 դրամ, իսկ միջին կենսաթոշակը՝ 49.000 դրամ: Սակայն պաշտոնական հաշվարկներով՝ սպառողական զամբյուղի արժեքը 82.000 դրամ է, ինչը նշանակում է, որ թոշակառուի եկամուտը չի բավարարում նույնիսկ նվազագույն սննդի եւ կենցաղային կարիքները: Փորձագիտական հաշվարկներով՝ նվազագույն սննդի ու կենցաղային ծախսերը 1.5 անգամ ավելի են, քան միջին կենսաթոշակը, իսկ նվազագույն կենսաթոշակից գրեթե երկու անգամ բարձր են: Այլ կերպ ասած՝ թոշակառուին իր ամբողջ թոշակով չի կարող ապահովել անգամ ամսվա առաջին կեսի նվազագույն կարիքները:



ակով չի կարող ապահովել անգամ ամսվա առաջին կեսի նվազագույն կարիքները: Միեւնույն ժամանակ, պետական բյուջեից ֆինանսավորվող համակարգում մեկ պաշտոնային ծառայողական մեքենայի, վառելիքի ամսական ծախսը, մեկ գործուղումը կամ պարգեւավճարը հաճախ գերազանցում են թոշակառուի ամբողջ ամսական, երբեմն էլ՝ տարեկան եկամուտը: Այն, ինչ պետական պաշտոնային համար համարվում է առօրյա ծախս, թոշակառու-

ի համար մեկ ամսվա գոյատեւման սահմանն է: Հիշեցնենք, որ Հայաստանում աղքատությունը հասնում է 21.7 տոկոսի, իսկ ծայրահեղ աղքատությունը՝ 0.6 տոկոսի: Այսպիսով, պաշտոնական թվերը փաստում են՝ Հայաստանում կենսաթոշակը ոչ թե ապահովում է արժանապատիվ ծերություն, այլ պարզապես թույլ է տալիս գոյատեւել՝ պետական շռայլության ֆոնին: **ԷՄՄԱ ՄԻՔԱՅԵԼՅԱՆ**

ՍՈՑԻԱԼԱԿԱՆ-ՔՈՂԱՔԱԿԱՆ

ՆԱՏՕ-Ի ԶՈՐԱՎԱՐԺՈՒԹՅՈՒՆՆԵՐ

Ֆինլանդիայի, Նորվեգիայի եւ Շվեդիայի հյուսիսային տարածաշրջաններում կանցկացվել լայնածավալ Cold Response (Սառը արձագանք) զորավարություններ՝ արկտիկական պայմաններում արտաքին սպառնալիքներին հակազդելու համար: Այս մասին հաղորդել է ֆիննական Yle հեռուստառադիոհեռարձակող ընկերությունը: «Ֆինլանդիայի համար կարելի է, որ ՆԱՏՕ-ի պլաններին համապատասխան համատեղ զորավարությունները տարածվեն անմիջապես Ֆինլանդիայի տարածքում: Սա կուժեղացնի զսպան եւ պաշտպանական կարողությունները», - Yle-ին ասել է բրիգադի գեներալ Մանու Տուոմինենը: «Նպատակն է ստուգել լոգիստիկայի, զորքերի տեղափոխման եւ կենտրոնացման ֆունկցիոնալությունը», - ասել է Տուոմինենը: Cold Response-ը կդառնա 2026 թվականի ամենակարեւոր զորավարություն՝ ուղղված ՆԱՏՕ-ի երկրների վերապատրաստմանը բարդ արկտիկական պայմաններում գործողություններին: Նորվեգիայի ղեկավարությամբ մարտի 9-ից մինչեւ 20-ն անցկացվող զորավարություններին կմասնակցի շուրջ 25 000 զինվոր՝ 14 տարբեր երկրներից: Ֆինլանդիայում զորավարություններին կմասնակցի 7500 զինվոր: Դրանց կեսից ավելին՝ 4000-ը, ցամաքային եւ օդային ճանապարհներով կժամանեն ՆԱՏՕ-ի այլ երկրներից, այդ թվում՝ ԱՄՆ-ից, Մեծ Բրիտանիայից, Ֆրանսիայից եւ Իտալիայից:

ԸՆԴՈՒՆԵԼ Է ՀՐԱՎԵՐԸ

Իսրայելի վարչապետ Բենիամին Նեթանյահուն ընդունել է ԱՄՆ Նախագահ Դոնալդ Թրամփի հրավերը՝ միանալու Խաղաղության խորհրդին, որի աշխատանքը կուղղվի Գազայի հատվածում հակամարտության եւ հնարավոր այլ համաշխարհային հակամարտությունների կարգավորմանը: Այս մասին հաղորդում է The Times of Israel-ը՝ հղում անելով վարչապետի գրասենյակին: Խաղաղության խորհուրդը Թրամփի նախաձեռնությունն է, որն ուղղված է ամբողջ աշխարհում հակամարտությունների կարգավորմանը՝ սկսած Գազայի հատվածից: Ենթադրվում է, որ Թրամփն ինքը ցմահ կզիջավորի այն: Ավելի վաղ խորհրդին միանալու ԱՄՆ Նախագահի հրավերին համաձայնություն են տվել Հայաստանը, Աղբեջանը, Բելառուսը, Ղազախստանը, Ուզբեկստանը, Արգենտինան, Հունգարիան, Վիետնամը, Մարոկկոն, ԱՄԷ-ն: Մինչդեռ եվրոպական երկրների դիվանագետներն ավելի վաղ մտահոգություն էին հայտնել, որ Թրամփը փորձում է փոխարինել ՄԱԿ-ը՝ այլընտրանքային հարթակ ստեղծելով գլոբալ հակամարտությունների կարգավորման համար:

ՄՊԱՌՆԱՑԵԼ Է ԻՐԱՆԻՆ

ԱՄՆ Նախագահ Դոնալդ Թրամփն Իրանին սպառնացել է պատժել, եթե այն տեղից փորձեն սպանել իրեն: NewsNation-ին տված հարցազրույցում Թրամփը հայտարարել է, որ այս դեպքում ինքը «շատ հստակ իրախանգներ է տվել... ջնջել նրանց Երկրի երեսից»: «Նրանք չպետք է նման բան անեն, բայց ես գործում եմ թողել, որ եթե երբեքից

ինչ-որ բան պատահի, նրանց ամբողջ երկիրը կապթեցվի... Ես շատ հստակ իրախանգներ ունեմ եթե ինչ-որ բան պատահի, նրանց կջնջեն Երկրի երեսից», - ասել է ամերիկացի առաջնորդը: Ավելի վաղ Իրանի զինված ուժերի գլխավոր շտաբի ներկայացուցիչ գեներալ Աբուլֆազլ Շեքարեյին հայտարարել էր, որ Թեհրանում մեծ նշանակություն չեն տալիս Թրամփի սպառնալիքներին, իսկ Իրանի ղեկավարության դեմ ԱՄՆ-ի ցանկացած ռազմական գործողություն անպատասխան չի մնա: Press TV-ի փոխանցմամբ՝ Շեքարեյին նախազգուշացրել է «ջախջախիչ պատասխան միջոցների» մասին՝ ԱՄՆ-ի կողմից Իրանի ղեկավարության նկատմամբ ցանկացած ռազմական գործողության դեպքում: Հունվարի 18-ին Թրամփը POLITICO-ին տված հարցազրույցում հայտարարել էր, որ «եկել է Իրանում նոր ղեկավարություն փնտրելու ժամանակը»: Ավելի վաղ Թրամփը զգուշացրել էր Իրանի դեմ կոշտ միջոցների մասին՝ երկրում լայնածավալ անկարգությունների ճնշմանն ի պատասխան: Սակայն անցյալ շաբաթ ԱՄՆ Նախագահը հայտարարեց, որ իր տեղեկատվությամբ՝ Իրանի իշխանություններն այլեւս պլաններ չունեն մահապատիժ իրականացնել բողոքի ցույցերին մասնակցած մարդկանց նկատմամբ: Իրանում դեկտեմբերի 28-ից բողոքի ակցիաներ էին սկսվել իրանական ռիալի փոխարժեքի կտրուկ նվազման եւ բարձր գնաճի դեմ: Հունվարի 8-ից, ըստ Իրանի արտաքին գործերի նախարար Աբբաս Արադջիի հայտարարության, ցուցարարների շարքում հայտնվել են զինված ահաբեկիչներ: Երկու շաբաթից ավելի տեւած հակակառավարական ցույցերի ընթացքում մի քանի հազար մարդ է զոհվել, այդ թվում՝ իրավապահներ:

● Հունվարի 20-ին մայրաքաղաքում գրանցվել է 8 ավտովթար. 10 մարդ ստացել է տարբեր աստիճանի մարմնական վնասվածքներ:

ԼՈՒՐԵՐ

FINTECH360-Ի ՀԱՄԱԺՈՂՈՎԸ



Երեւանում այս տարվա ապրիլին կայանալիք FINTECH360 միջազգային համաժողովին մինչեւ մարտի 31-ը գրանցվելու դեպքում կտրամադրվի 15% զեղչ մասնակցության բոլոր փաթեթների համար:

Համաժողովը կանցկացվի ապրիլի 27-29-ը՝ Seven Visions Resort & Places, The Dvin համալիրում: Այս տարի համաժողովը կհամախմբի ավելի քան 500 մասնակից 30 երկրներից: Յունիբանկը FINTECH360 համաժողովի գլխավոր հովանավորն է:

Պանելային քննարկումների հիմնական թեմաներն են՝

- Ֆինանսական ծառայությունների թվային վերափոխում
- Արհեստական բանականության կիրառումը բանկային ոլորտում
- Կենսաչափական եւ թվային նույնականացում
- Էլեկտրոնային առևտուր
- Տվյալների պաշտպանություն
- Իրական ակտիվների տոկեսիզացիա
- Կրիպտոարժույթներ եւ բլոկչեյն տեխնոլոգիա

3-օրյա ծրագրը ներառում է նաեւ էքսկուրսիաներ, այցելություն գինեգործարան եւ գալա-ընթրիք:

Համաժողովի ամբողջական ծրագիրը եւ գրանցումը հասանելի են <https://fintech360.io/> կայքում:

ԶՈՐՔԵՐ Է ՈՒՂԱՐԿԵԼ

Atlantic Airways ավիաընկերության ինքնաթիռը, որը տեղափոխում էր դանիացի լրացուցիչ զինվորականների, վայրէջք է կատարել Գրենլանդիայի մայրաքաղաք Նուուկում: Զինվորականների մի մասը շարունակել է թռիչքը դեպի Նուուկից հյուսիս գտնվող Կանգերլուս բնակավայր: Այդ մասին տեղեկանում ենք Deutsche Wellen-ից:

Զինվորները մասնակցելու են Դանիայի կողմից համակարգվող «Արկտիկական դիմացկունություն» կոչված զորավարժություններին, նշել է Դանիայի Արկտիկական հրամանատարության ղեկավար Սյորեն Անդերսենը: Այն հարցին, թե քանի դանիացի զինվոր է ներկայումս տեղակայված Գրենլանդիայում, Անդերսենը հրաժարվել է պատասխանել: Այդուհանդերձ լրատվամիջոցները նշում են, որ Նուուկում ներկայումս կա առնվազն 100 դանիացի զինվոր, իսկ Կանգերլուսում՝ եւս 100 զինվոր:

Դանիայի խորհրդարանի պաշտպանության հանձնաժողովի ղեկավար Ռասմուս Յարլովս ասել է, որ իր երկիրը պատրաստ է ռազմական պատասխան տալ Միացյալ Նահանգներին, եթե վերջինս փորձի ուժով գրավել արկտիկական կղզին: «Մենք անպայման կպաշտպանենք Գրենլանդիան: Եթե ամերիկյան զորքերը ներխուժեն, պատերազմ կսկսվի, եւ մենք կկռվենք միմյանց դեմ», - ասել է Յարլովը:

ՀԱՅԷԿՈՆՈՄԲԱՆԿ

2% ՀԵՏՎՃԱՐ ԱՆԿԱՆԽԻԿ ԳՈՐԾԱՐՔՆԵՐԻ ԴԻՄԱՅ

2026 թվականի հունվարի 1-ից Հայէկոնոմբանկի Arca վճարային փաթեթով կատարված անկանխիկ գործարքների դիմաց կստանա 2% հետվճար (հեթբեք):

Հետվճարը տրամադրվում է 1,000 դրամը գերազանցող գործարքների դիմաց ինքնաշխատ եղանակով մինչեւ հաջորդ ամսվա 25-ը:

Յուրաքանչյուր մեկ գործարքի համար հետվճարը չի կարող գերազանցել 6,000 դրամը, յուրաքանչյուր հաշվետու ամսվա համար՝ 60,000 դրամը: Ծրագրի շրջանակում շահառուները հետվճարի մասով հարկային պարտավորություններ չունեն:


Մեկից ավելի Arca վճարային քարտեր ունենալու դեպքում հետվճարի առավելագույն չափը չի փոխվում, եւ հետվճարը փոխանցվում է շահառուի այն քարտին, որով իրականացվել է վերջին գործարքը:

Հետվճար չէք կարող ստանալ, եթե վճարումը կատարել եք.

- կապի եւ կոմունալ ծառայությունների համար,
- ՀՀ պետական եւ համայնքների բյուջեների օգտին,
- բարձր ռիսկային գործարքների (խաղատներ, կրիպտո ակտիվներ եւ այլն) համար,
- ֆինանսաբանկային ծառայությունների դիմաց,
- Arca նվեր եւ մեկնագումար օգտագործման համար նախատեսված քարտերով:

Հետվճարը չի գործի նաեւ, եթե գործարքը վերաբերում է ստացված հետվերադարձին, փոխհատուցմանը եւ հետգանձումներին: Էլեկտրոնային դրամապանակներով իրականացված գործարքները եւս ներառված չեն հետվճարի ծրագրում:

Ծրագիրն իրականացվում է «Արմենիան Զարդ» ՓԲԸ (Arca) եւ ՀՀ կառավարության համագործակցության արդյունքում: Որպես առաջին նմանօրինակ մասշտաբային ծրագիր՝ այն նպատակ ունի խթանել անկանխիկ գործարքների առաջխաղացումն ու թվային տեխնոլոգիաների



զարգացումը: Պիլոտային ծրագրի իրականացման ժամկետը՝ 01.01.2026-31.12.2026թ.:

Հունվարի 15-ին կայացած մամուլի ասուլիսի ընթացքում Arca-ի գործադիր տնօրեն Վարդան Խաչատրյանը, ԿԲ Նախագահի տեղակալ Հովհաննես Խաչատրյանը եւ ֆինանսների նախարարի տեղակալ Էդգար Մկրտչյանը ներկայացրին ծրագրի մանրամասները:

ԿԲ Նախագահի տեղակալ Հովհաննես Խաչատրյանն անդրադարձավ ՀՀ առևտրային բանկերի կարևոր դերակատարությանն այս նախաձեռնության իրականացման գործում. «Սա շատ կարևոր նախաձեռնություն է՝ ուղղված անկանխիկ գործարքների առաջխաղացմանը եւ տնտեսական աշխուժության խթանմանը: Կարևոր է ընդգծել, որ Arca-ն կարողանում է իրականացնել հետվճարի այս ծրագիրը առևտրային բանկերի կողմից վճարվող սակագներից ձեւավորվող ֆոնդի հաշվին: Հայաստանի բոլոր առևտրային բան-

կերն արագ արձագանքել են այս ծրագրին՝ ձգտելով առավել հարմար պայմաններով սպասարկում ապահովել հաճախորդներին»:

Հիշեցնենք, որ 2026թ. հունվարի 1-ից Arca սոցիալական քարտով (Arca Pension) անկանխիկ վճարումների դիմաց կստանաք 20% հետվճար (առավելագույնը 10,000 դրամ), որին կգումարվի նաեւ 2% հետվճարի ծրագիրը:

Հայէկոնոմբանկի Arca քարտեր կարող եք պատվիրել՝ այցելելով Բանկ կամ AEB Mobile բջջային հավելվածի միջոցով՝ անվճար առաքմամբ Երեւանում եւ 1,000 դրամ առաքման վճարով՝ ՀՀ մարզերում:

Հայէկոնոմբանկի Arca քարտերով (բացառությամբ՝ Arca սոցիալականի) կարող եք ստանալ նաեւ վարկային գիծ առավել հարմար պայմաններով:

86 86 | aeb.am

Հայէկոնոմբանկը վերահսկվում է ՀՀ Կենտրոնական բանկի կողմից

ՏՆՏԵՍՈՒԹՅՈՒՆ

ԿԱԼԱՆԵԼ ԵՆ SAGITTA ԼՑԱՆԱՎԸ

ԱՄՆ զինվորականները հունվարի 20-ին Կարիբյան ավազանում վերահսկողության տակ են վերցրել Sagitta լցանավը: Այս մասին հաղորդում է ամերիկյան Հարավային հրամանատարությունը:

«ԱՄՆ զինվորականները, ԱՄՆ ներքին անվտանգության նախարարության հետ համակարգված, վերահսկողության տակ են վերցրել Sagitta նավը՝ առանց որեւէ միջադեպի», - ասվում է X հարթակում հրամանատարության հաղորդագրության մեջ:

Նշվում է, որ սա հերթական կալանված նավն է, որն անտեսում էր ԱՄՆ նախագահ Դոնալդ Թրամփի սահմանած կարանտինը:

Ըստ հաղորդագրության՝ զինվորականները կշարունակեն այնպես անել, որ Վենեսուելայից նավթի արտահանումը լինի համակարգված եւ օրինական կերպով:

CBS News-ը նշում է, որ սա Վենեսուելայի հետ կապված յոթերորդ լցանավն է, որի նկատմամբ ԱՄՆ-ն վերահսկողություն է հաստատել:

Sagitta-ն, որը նավարկում է Լիբերիայի դրոշի տակ, պատկանում է Հոնկոնգում գրանցված ընկերության:

ԵՈՒԿՈՒՄԻ ԱՄԵՆԱՄԵԾ ԳՈՐԾԱՐԱՆԸ

Հայաստանի Էկոնոմիկայի նախարար Գեորգ Պապոյանը հունվարի 20-ին այցելել է «Վելլար գրուպ» ընկերության Նոր կառուցվող շուկաղի եւ հրուշակեղենի գործարան: Այս մասին հայտնել է ՀՀ Էկոնոմիկայի նախարարությունը: Այցին մասնակցել է նաեւ Էկոնոմիկայի նախարարի տեղակալ Էդգար Զաքարյանը:

Ընկերության ղեկավարության ուղեկցությամբ նախարարը շրջել է գործարանի տարածքով, ծանոթացել ներդրված սարքավորումներին, արտադրական հզորություններին եւ տեխնոլոգիական հուսալիքներին:

Ներկայում ծրագրի շրջանակում արդեն իսկ իրականացվել է շուրջ 120 միլիոն եվրոյի ներդրում, առաջիկայում նախատեսվում է ներդնել եւս 25 միլիոն եվրո:

Գործարանի տարածքը կազմում է շուրջ 25 հա: Այն հագեցած է հիմնական

նում գերմանական եւ դանիական առաջատար ընկերություններից ներմուծված ժամանակակից սարքավորումներով: Երեք տարվա ընթացքում նախատեսվում է գործարանի ամբողջական գործարկումը, որի արդյունքում արտադրական ծավալները կհասնեն օրական մինչեւ 200 տոննայի, իսկ աշխատատեղերի թիվը կհասնի մինչեւ 2000-ի:

Նախատեսվում է արտադրել հրուշակեղենի լայն տեսականի՝ շոկոլադե եւ կարամելային կոնֆետներ, սպիտակուցային եւ մրգային բատոններ, շոկոլադապատ թխվածքաբլիթներ եւ վաֆլիներ, ինչպես նաեւ հայկական չորեր՝ պատված բարձրորակ շոկոլադով:

«Վելլար գրուպ»-ն օգտվել է պետական օժանդակության գործիքակազմից՝ մաքսատուրքից ազատման արտոնությունից եւ ենթակառուցվածքներ ներդրումների դիմաց ծրագրից:

«Վելլար գրուպ»-ը շվեդական ծագմամբ GNG միջազգային բիզնես խմբի ընկերություններից է:

ՀՀ Էկոնոմիկայի նախարարը «Ֆեյսբուք»-ի իր էջում գրել է, որ այն լինելու է տարածաշրջանում շոկոլադի ամենամեծ գործարանը:

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԱՅՆ ՊԱՐԼԱՄԵՆՏ, ԵՐԲ ԾՆՎԵՑ ԶԱՆՃԱՐԸ

«ՄԻՔԵԼԱՆՋԵԼՈՅԻ ՎԱՂ ԳԼՈՒԽԳՈՐԾՈՅԸ»

Որոշ համաճարհներ չեն ձեռնարկում սահմանափակում, նրանք պարզապես վաղ են բացվում: Միքելանջելոյի աշխատանքները դրա ամենախոստումնալից վկայություններն են:

Միևնույն ժամանակ մեծագույն նկարիչներից մեկը դառնալը, Միքելանջելո Բուոնարոտին (1475-1564) սովորական 12-ամյա տղա էր, չնայած նրա մանկությունը, անկասկած, տարբերվում էր այն ամենից, ինչ մենք այսօր պատկերացնում ենք, գրում է The Colossal-ը:

Նույնիսկ այս տարիքում նա ամբողջությամբ խորասուզված էր նկարչության ել գեղանկարչության մեջ՝ ուսումնասիրելով այլ վարպետների աշխատանքները, մասնավորապես՝ 15-րդ դարի գերմանացի նկարիչ Մարտին Շոնգաուերի «Սուրբ Անտոնիոսը դեղերի կողմից տանջվում է» փորագրությունը:

Սակայն, ի տարբերություն դեռահասների մեծամասնության, Միքելանջելոն որոշեց պարզապես չպատճենել պատկերը. նա տեսարանը տեղափոխեց փայտե վահանակի վրա՝ օգտագործելով տեմպերա, եւ դա արեց այնպիսի հմտությամբ, որ երիտասարդ նկարչի ոճն անմիջապես բացահայտեց նրա տաղանդը:

Միքելանջելոյի ամենավաղ հայտնի նկարը՝ «Սուրբ Անտոնիոսի նահատակությունը», ստեղծվել է մոտավորապես 1487-1488 թվականներին, երբ նա 12 կամ 13 տարեկան էր:

Աշխատանքի վարպետին վերագրվելը երկար ժամանակ անհայտ մնաց. միայն 2008 թվականին նկարը աճուրդում վաճառվելուց հետո մասնագետները կարողացան հեռացնել դեղնած լաքը եւ հետագա անհաջող շտկումները: Վերականգնումը ստացավ եզակի գունապնակ եւ անսովոր խորություն, որը բացահայտեց ապագա հանճարի ձեռքը:

Վերականգնումից հետո էր, որ շատ արվեստի պատմաբաններ, այդ թվում



Մետրոպոլիտեն թանգարանի երկարամյա վարիչ Էվերեթ Ֆեյիին, վստահորեն հայտարարեցին, որ նկարը Միքելանջելոյինն է: Նախկինում այն համարվում էր Դոմենիկո Դիլանդայոյի մեծ ֆլորենտական արհեստանոցի աշխատանք, որին երիտասարդ նկարիչը 1488 թվականին միացել էր որպես աշակերտ:

Վերականգնումից հետո բացահայտված եզակի կոմպոզիցիան եւ արվեստի պատմաբան եւ վերականգնող Ջորջիո Բոնաստիի փորձագիտական կարծիքը համոզեցին մասնագետներին, որ այն իսկապես Միքելանջելոյի աշխատանքն է: Այսօր նկարը գտնվում է Ֆորտ Ուորթի Քիմբլի թանգարանի հավաքածուում եւ վարպետի միակ աշխատանքն է, որը հասանելի է Զյուսիսային Ամերիկայի հանրային հավաքածուում:

Նկարի թեման հիմնված է Սուրբ Անտոնիոս Մեծի կյանքի վրա, ինչպես նկարագրել է Ալեքսանդրիայի Աթանասը չորրորդ դարում: Մի դրվագում եգիպտացի մի ճգնավոր տեսիլք է տեսնում. նա բարձրաձայն է օրում եւ դեղերի հարձակմանն է ենթարկվում, բայց դիմանում է նրանց տանջանքներին: Քիմբլի թանգարանի տվյալներով՝ Միքելանջելոյի ժամանակակիցները, ինչպիսիք են Ասկանիո Կոնդիվին եւ Ջորջիո Վազարին, հայտնել են, որ նկա-



րիչը, դեպի նրա արարածներին ավելի հավաստի դարձնելու համար, ուսումնասիրել է վառ գունավոր թեփուկները եւ ձկների այլ մասերը հենց շուկայում:

Ինքը՝ Միքելանջելոն, որը հայտնի էր իր պերֆեկցիոնիզմով, հավանաբար չէր ցանկանա իր անունը կապել «սիրողական» աշխատանքի հետ, եւ սա կարող է լինել այն պատճառներից մեկը, թե ինչու նկարը երկար ժամանակ վերագրվում էր արհեստանոցին, այլ ոչ թե վարպետին: Սակայն արվեստի պատմաբանների եւ նկարչի աշխատանքների երկրպագուների համար սա եզակի հնարավորություն է նայելու նրա վաղ տարիներին եւ տեսնելու այն տաղանդի ի հայտ գալը, որը հետագայում փոխելու էր արվեստի պատմությունը:

Այս աշխատանքը թույլ է տալիս տեսնել ոչ միայն ապագա հանճարի առաջին քայլերը, այլ նաեւ այն ներքին համառությունն ու տեսողական համարձակությունը, որոնք Միքելանջելոյին տարիներ անց պիտի դարձնեին Վերածննդի ամենահզոր կերպարներից մեկը: Նկարը հիշեցնում է, որ մեծ արվեստը հաճախ սկսվում է այնտեղ, որտեղ դեռ երեխայի ձեռքն է, բայց արդեն՝ հանճարի հայացքը:

ԳՐԵՏԱ ՍՊՐԱՅԻՆՅԱՆ

ԺԱՄԱՆՑ

ՑՈՒՑԱՆԿԱՆԴԵՍ

Պատմության թանգարանում հունվարի 20-ին վերաբացվեց «Հայաստանը 19-րդ դարում» խորագրով մշտական ցուցադրությունը:

Ինչպես ներկայացրեց Հայաստանի պատմության թանգարանի տնօրենի ժամանակավոր պաշտոնակատար Դավիթ Պողոսյանը, այս մշտական ցուցադրության հատվածը նախագծվել է իրականացվել է Նախորդ տարվա ընթացքում:

«Ներկայացված են մոտ 200 տարբեր տիպի նմուշներ. կան գորգեր, կարպետներ, ազգային տարազներ, արդուզարդի պարագաներ, զենքեր: Ունենք պատմական վավերագրեր, հետաքրքիր տեխնոլոգիական լուծումներ, որոնք շարունակվել են այլ հատվածների կոնտեքստում, բայց փորձել ենք նաեւ որոշակի նորարարական ձեւերով ներկայացնել», -ասաց Պողոսյանը՝ հավելելով, որ ներկայացված են նաեւ ինտերակտիվ քարտեզներ, որոնց միջոցով հնարավոր կլինի տեսնել պատմական իրադարձությունների ընթացքում սահմանների փոփոխությունները:

Հայաստանի տարբեր պատմագագաթական շրջաններն ընդգրկող ցուցանմուշների շարքում ներկայացված են ազգային տարազներ, նրբաճաշակ զարդեր, ձեռագործ գորգեր, բազմատեսակ աշխատանքային գործիքներ, ավանդական կենցաղային իրեր, վավերագրեր, դրամներ, մեդալներ եւ այլն:

Դրանց թվում են Էրզրումի բերդի բանալին, մեծանուն գորավար Անդրանիկ Օզանյանի թուրը, ինչպես նաեւ 1896 թվականի արտադրության կոնյակը՝ 22ալցված Երեւանում հայտնի գործարար Ներսես Թաիրովի գործարանում:

ՆՈՐ ԹԱՆԳԱՐԱՆ

Աբու Դաբիում բացվել է բնական պատմության թանգարան: Այն ընդարձակ Սաադիյաթ մշակութային թաղամասի մի մասն է, որտեղ վերջերս բացվել են այլ խոշոր վայրեր՝ teamLab Phenomena-ն, Զայեդի ազգային թանգարանը եւ շուտով Աբու Դաբիի Գուգենհայմ թանգարանը:

Mecanoo ճարտարապետական ընկերության կողմից նախագծված շենքը իսկական բնության հրաշքի տեսք ունի. իր անկյունային ուրվագիծը, կախված բույսերը եւ ժայռային կառուցվածք հիշեցնող ձեւը: Նույնիսկ ներքին հարդարանքը նույնքան տպավորիչ է, որքան արտաքին հարդարանքը. վեց մշտական պատկերասրահներ պատմում են Երկրի 13.8 միլիարդ տարվա պատմությունը՝ լայնածավալ ցուցահանդեսների եւ տպավորիչ ինստալյացիաների միջոցով:

Թանգարանի գլխավոր տեսարժան վայրը հայտնի Տիրանոզավր Ռեքսի կմախքն է՝ Սթան անունով: Այն ցուցադրվում է մեկ այլ Տիրանոզավր Ռեքսի կմախքի կողքին՝ աշխարհում առաջին անգամ, երբ երկու Տիրանոզավր Ռեքսի բրածոներ միասին են ցուցադրվում: Դինոզավրներից բացի, թանգարանը շեշտը դնում է տեղական պատմության վրա, ներառյալ տարածաշրջանում հայտնաբերված գտածոները, ինչպիսին է անհետացած փղի տեսակը՝ Stegotetrabelodon Emiratus-ը:

Երիտասարդ այցելուների եւ սկսնակ գիտնականների համար թանգարանը պատրաստել է ինտերակտիվ թատրոն, որտեղ ներկայացված են կրթական ֆիլմեր եւ գիտական ցուցադրություններ: Ժամանակավոր ցուցահանդեսներ արդեն նախատեսված են գալիք տարվա համար. առաջիններից են «Տրիցերատոպսի երթը» եւ «Տարվա 61-րդ վայրի բնության լուսանկարիչը», որոնք կլինեն բացման հանդիսավոր արարողության մի մասը:

Աբու Դաբիի բնական պատմության թանգարանը խոստանում է լինել մեծ տեսարժան վայր զբոսաշրջիկների եւ տեղացիների համար, որտեղ պատմությունը հանդիպում է ժամանակակից դիզայնին, իսկ գիտությունը դառնում է իսկական արված:

ՄԱՐԶԱԿԱՆ

ՖՈՒՏՉԱԼԻ ԵՎՐՈՊԱՅԻ ԱՌԱՋՆՈՒԹՅՈՒՆ

Մեկնարկում է ֆուտզալի Եվրոպայի առաջնության հիմնական փուլը, որին պատմության մեջ առաջին անգամ մասնակցում է նաեւ Հայաստանի ֆուտզալի հավաքականը: Ռուբեն Նազարեթյանի սաներն ընդգրկված են B ենթախմբում, որտեղ կմրցեն Լիտվայի, Չեխիայի, Ուկրաինայի հավաքականների հետ: Այս անգամ ֆուտզալի Եվրոպայի առաջնությունը հյուրընկալում է երեք երկիր՝ Լատվիան, Լիտվան ու Սլովենիան: Այս առաջնությանը երեք նորեկներ են մասնակցում, այդ թվում նաեւ՝ Հայաստանը:

Եվրոպայի առաջնության առաջին խաղը Հայաստանի ազգային հավաքականը կանցկացնի հունվարի 22-ին՝ Ուկրաինայի հավաքականի դեմ: Հունվարի 25-ին Ռուբեն Նազարեթյանի թիմը կհանդիպի Չեխիայի, հունվարի 28-ին՝ Լիտվայի հավաքականների հետ:

ՀԱՅԱՍՏԱՆԸ ՖԻՖԱ-Ի ԱՂՅՈՒՍԱԿՈՒՄ

Հայաստանի ֆուտբոլի ազգային թիմը ՖԻՖԱ-ի դասակարգման նոր աղյուսակում 105-րդ հորիզոնականում է: Նախորդ աղյուսակի համեմատ թիմն առաջադիմել է մեկ հորիզոնականով: 10 առաջատարների շարքում միմյանց հաջորդում են Իսպանիան, Արգենտինան, Ֆրանսիան, Անգլիան, Բրազիլիան, Պորտուգալիան, Նիդեռլանդները, Մարոկկոն, Բելգիան, Գերմանիան:

ԳԱԳԻԿ ՄԱՐԳԱՅԱՆԻ ՀՐԱԺԱՐԱԿԱՆԸ

Հայաստանի դահուկավազքի եւ սնուբորդի ֆեդերացիայի նախագահ Գագիկ Սարգսյանը հրաժարական է տվել: Այս մասին Գագիկ Սարգսյանը հայտնել է «Ֆեյսբուք»-ի իր էջում ուղիղ եթերի ժամանակ: «Որոշում եմ կայացրել վայր դնել Հայաստանի դահուկավազքի ֆեդերացիայի նախագահի լիազորությունները: Սա շատ դժվար ու բարդ որոշում էր ինձ համար: Ինչն ունի սկիզբ, ունի նաեւ ավարտ: Պատճառները մի քանիսն են: Հիմնական պատճառն այն աշխատանքային մթնոլորտի բացակայությունն է, որ պետք է լինի Հայաստանի Հանրապետությունում դահուկային մարզաձեւը զարգացնելու համար, այն կամքը, որ պետք է լինի, բայց դա միակողմանի չի կարող լինել: Այսինքն, միայն ֆեդերացիայի ջանքերով կամ մենակ ֆեդերացիայի նախագահ լինելով՝ այդ մարզաձեւերը հնարավոր չէ զարգացնել», -ասել է Սարգսյանը: Նա պնդել է, որ տարիներ շարունակ իրենց բոլոր առաջարկները, խնդրանքները, հորդորները՝ ուղղված ԿԳՄՍ նախարարությանը, այդպես էլ լուծում չեն ստացել: Նաեւ շնորհակալություն է հայտնել բոլոր այն մարդկանց, որոնք իր պաշտոնավարման ընթացքում եղել են իր կողքին:


Գագիկ Սարգսյանը Հայաստանի դահուկավազքի ֆեդերացիայի գլխավոր քարտուղար էր ընտրվել 2005 թվականին, իսկ հետագայում դարձել ֆեդերացիայի նախագահը:

● **Հունվարի 22-ին Երեւանի Պետական Կամերային թատրոնում տեղի կունենա «Տղաները չափն անցնում են» ներկայացումը: Տոմսերի արժեքը՝ 3000-8000դր.:**



ՍՈՑԻԱԼԱԿԱՆ

ՀԱՐՑ. Անչափահասին կամ անգործունակ կամ սահմանափակ գործունակ անձին կենսաթոշակ նշանակելու համար ո՞վ ոլե՞ս է դիմի կենսաթոշակ նշանակող մարմին:
Կարինե Թորոսյան, 46 տարեկան



ՊԱՏԱՍԽԱՆ. Ի պատասխան քաղաքացու հարցի՝ տեղեկացնում ենք, որ անգործունակ կամ սահմանափակ գործունակ կամ մինչեւ 14 տարեկան անչափահաս անձին կենսաթոշակ նշանակելու համար նրա հաշվառման վայրի կենսաթոշակ նշանակող ստորաբաժանում գրավոր դիմում է ներկայացնում ծնողը (որդեգրողը կամ խնամակալը կամ հոգաբարձուն): Եթե անչափահաս կամ անգործունակ կամ սահմանափակ գործունակ անձի օրինական ներկայացուցիչը համապատասխան կազմակերպությունն է (մանկատունը կամ հոգեբուժարանը), որտեղ գտնվում է անչափահաս կամ անգործունակ կամ սահմանափակ գործունակ անձը, նրան կենսաթոշակ նշանակելու համար գրավոր դիմումը եւ անհրաժեշտ փաստաթղթերը կազմակերպության գտնվելու վայրի կենսաթոշակ նշանակող ստորաբաժանում է ներկայացնում այդ կազմակերպության ղեկավարը կամ նրա լիազորած անձը: 14 տարեկան անձն իրավունք ունի կենսաթոշակ նշանակելու համար դիմել անձամբ:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Կենսաթոշակ նշանակող ստորաբաժանումը կենսաթոշակ նշանակելը մերժելու կամ անձին կենսաթոշակ նշանակելու եւ լրացուցիչ փաստաթուղթ ներկայացնելու անհրաժեշտության մասին որոշում կայացնելու դեպքում հինգ աշխատանքային օրվա ընթացքում այդ մասին պատշաճ կարգով ծանուցում է կենսաթոշակ նշանակելու համար դիմած անձին՝ նշելով մերժելու պատճառները եւ որոշումը բողոքարկելու կարգը:

ՀԱՍԱՐԱԿՈՒԹՅՈՒՆ

ՀԱՐՑ. Խնդրում եմ ասել, թե որո՞նք են ծննդի դե-սական գրանցման հիմքերը:
Գայանե Ստեփանյան, 35 տարեկան



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ ծննդի պետական գրանցման հիմքերն են՝

- 1) Հայաստանի Հանրապետության տարածքի բժշկական կազմակերպությունում տեղի ունեցած կամ բժշկական կազմակերպության կամ բժշկի օգնությամբ, սակայն բժշկական կազմակերպությունից դուրս տեղի ունեցած ծննդի դեպքում՝ ծննդի մասին սահմանված ձեւի բժշկական փաստաթուղթը,
- 2) օտարերկրյա պետության տարածքի բժշկական կազմակերպությունում տեղի ունեցած կամ բժշկական կազմակերպության կամ բժշկի օգնությամբ, սակայն բժշկական կազմակերպությունից դուրս տեղի ունեցած ծննդի դեպքում՝ ծննդի մասին բժշկական փաստաթուղթը,
- 3) երեխայի ծննդյան փաստը հաստատող՝ դատարանի օրինական ուժի մեջ մտած վճիռը,
- 4) «Նոտարիատի մասին» օրենքով սահմանված կարգով նոտարի հաստատած իրավաբանական փաստի մասին նոտարական ակտը,
- 5) օտարերկրյա պետությունում ծնված անձի՝ Հայաստանի Հանրապետություն վերադարձի վկայականը եւ ծնունդը հիմնավորող այլ փաստաթղթեր:

ՀՀ արդարադատության նախարարություն

«ԺՈՂՈՎՈՒՐԳ». Ծննդի պետական գրանցման՝ ներառյալ վկայական տալու համար պետական տուրք չի գանձվում:

ԼՈՒՐ ԿԱԴՐ

Լուսանկարն արվել է Շիրակի մարզի Սառնաղբյուր գյուղում



Շիրակի մարզի Սառնաղբյուր գյուղում «Կանգառ-գրադարան» է, որտեղ քաղաքացիները սպասելուն զուգահեռ կարող են օգտվել գրքերից. սպասումը կարող է դառնալ հաճելի ընթերցում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ **ԱՆՎՃԱՐ:**



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդադարա-նանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ


Անուն՝ _____

Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



	Շիրակ	- 20 - 25 - 5 - 9
	Կոտայքի լեռներ	- 18 - 23 - 5 - 8
	Կոտայքի նախալեռներ	- 10 - 14 0 - 3
	Գեղարքունիք	- 16 - 21 - 3 - 7
	Լոռի	- 15 - 20 - 2 + 1
	Տավուշ	- 12 - 16 - 2 + 1
	Արագածոտնի լեռներ	- 20 - 24 - 5 - 8
	Արագածոտնի նախալեռներ	- 12 - 16 - 2 - 1

	Արարատ	- 9 - 12 - 1 - 4
	Արմավիր	- 11 - 15 0 - 3
	Վայոց ձորի լեռներ	- 15 - 19 - 5 - 8
	Վայոց ձորի նախալեռներ	- 9 - 12 - 1 - 4
	Սյունիքի լեռներ	- 17 - 20 - 4 - 7
	Սյունիքի նախալեռներ	- 14 - 18 - 2 + 1
	Սյունիքի հովիտներ	- 6 - 10 + 2 + 5
	Երեւան	- 11 - 9 - 6 - 5

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22^ա/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **21.01.2026**
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, **Գ** նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող եք կարդալ
«Ժողովուրդ» օրաթերթի այսօրվա համարում»: